



Inatsisartunut Ilaasortaq Anthon Frederiksen, Partii Naleraq
Inatsisartut Allattoqarfiat
/Maani

§ 37 naapertorlugu Namminersorlutik Oqartussat nunanut allanut akuunerat tamatumunngalu aningaasartuutit pillugit apeqqtinnut nr. 259-imut akissut.

03-11-2015
Suliap nr. 2015 - 14112
Allak. nr. 1458927

Asasara Anthon Frederiksen,

Inatsisartut suleriaasianni § 37 naapertorlugu Namminersorlutik Oqartussat nunanut allanut akuunerat tamatumunngalu aningaasartuutit pillugit Naalakkersuisunut apeqquteqarputit.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqtigisavit akineqarnissaannut Naalakkersuisut Siulittaasuata Naalakkersuisoqarfia namminersorlutik oqartussat ingerlatseqatigiiffiinnut paasissutissanik pineqartunik pissarsiniarsimavoq.

Apeqqtigisannut akissutikka ataani allassimasuni atuarneqarsinnaapput.

1. Nunani allani Namminersorlutik Oqartussat ingerlataat, suliffeqarfiit, allaffeqarfiit, il.il. qanoq amerlatigippat?

Akissut:

Apeqqtinnut qujanaq, Naalakkersuisut manna iluatsillugu Visit Greenland, Tele Greenland, Royal Arctic Line, Air Greenland, Royal Greenland aamma Great Greenland akissummut ilannguppaat. Taakku akissutaat ataani takuneqarsinnaapput.

Visit Greenlandip taavai:

“Takornariaqarnikkut siunnersuisoqatigiit Københavni Nordatlantiske Bryggemi mikisumik allaffeqartoq soorlu aamma Kalaallit Nunaannut sinniisoqarfik allallu kalaallinut siunertaqaqatigiissunut tunngasut peqatigiiffiit.

Sulisut pingasuusut kalaaliupput Danmarkimi nunasinikut takornariaqarnikkut siunnersuisoqatigiinni ukiuni 13-ini, 10-ni aamma 6-ni sulisuusimallutik. Sulisut suliasaarfii tassaapput Niuernikkut ineriartortitsineq, PR aamma tusagassiuutitigut angalanerit kiisalu kisitsisitigut paasissutissiineq aamma misissueqqissaarineq.

Aammattaaq Visit Greenland kalaallinik Københavni ilinniagaqartunik ingerlaavartumik ikiortitut sulisitaqartarpoq allaffimmilu suliffimmik misiliititaqartarluni.

Sulisut taakku pingasut Akileraartarnermut inatsit naapertorlugu Danmarkimi tamakkiisumik akileraartussaataapput, taamaallunilu akileraarutaat nunap karsianut tapertaaneq ajorput. Akerlianilli immikkut piginnaaneqarfeqarnerat

ukiunilu arlalinni sulisimasuunerat takornariaqarnikkut siunnersuisoqatigiit kisiisa eqqarsaatiginagit kisiannili nunatsinni takornariartitsinermik inuussutissarsiuteqarnermik ingerlatsinermut tamarmiusumut annertoorujussuarmik naleqarpoq.

Kalaallit Nunaanni takornariartitsinermik inuussutissarsiornikkut niuerfiusartut annersaat tassaapput – Danmarkip saniatigut - Tyskland, England aamma USA.

Taamaammat Europami, ingammik Tysklandimi, Englandimi aamma Danmarkimi saqqummersitsinernik aamma angalatitseqatigiiffinnik suliaqarneq oqinnerutinniarlugu Visit Greenlandip toqqarsimavaa Københavnimi allaffeqarnissaq. Tamatumalu aamma kingunerivaa angalanermut aningaasartuutitik malunnaatilimmik sipaartoqartarnera.

Ingerlatsinermut aningaasartuutit tamarmiusut 30. september 2015-imi 1.539.293,5 kr.-nit missaanniipput akissarsiat pensionisiallu ilanngullugit – taamaattorli Visit Greenland illumut akiliummut, quersuarmik attartornermut allaffimmilu atortunut aningaasartuuteqarnerusussaavoq: kr. 169.591,50-inik – akissarsianut pensionisianullu apeqqutaanngimmat sulisut Københavnimi imaluunniit Nuummi qitiusumik allattoqarfimmi issianersut.”

Tele Greenlandip taavai;

”TELE-POST-ip annertunersaa (Tele Greenland A/S) Kalaallit Nunaanni ingerlanneqartoq. Ukiut arlallit ingerlanerini piginneqatigiiffik Kalaallit Nunaata avataani ingerlataminik annikinnerulersitsisimasoq, aamma tassunga atatillugu teknikkikkut suliasat arlallit tigusi mallugit.

Ullumikkut taamaallaat pingaarnertut ingerlatat marluk Kalaallit Nunaata avataani ingerlanneqarput:

- Avedøremi qaammataasatigut nunami tigooqqaavik, taanna ilaatigut Upernavimmut, Qaanaamut, Ittoqqortoormiit-nut, Tasiilamut, kiisalu tigooqqaaveqarfinnut savaatilinnullu telekkut attaveqaatinik qularnaarisuuvoq. Ingerlassaq danskit piginneqatigiiffiattut nalunaarsoqqalluni ingerlanneqarpoq – Tele Greenland International Aps. (TGI)
- Albertslundimi 8-9-nik tamakkiisumik sulisoqarpoq, taakku IP-ikkut, radiokkut qaammataasakkullu attaveqaatinik ingerlatsinerup iluani immikkut piginnaasaqarput. Akileraartarnermut maleruagassat naapertorlugit sulisut taakku danskinut aningaasarsianit akileraarutitik akiliisarput.

TELE-POSTip Danmarkimi nunami tigooqqaavia qaammataasatigut atuinermik attartuinerup aningaasatigut atorluarneqarnissaanik qularnaarisuuvoq, TELE-POSTip Kalaallit Nunaanni qaammataasatigut aallakaatitsissutinik aallersinnaanissaaniit annertunerusumik. Suleriaaseq tunngaviatigut nunani allaniit isumagineqarsinnaagaluarpoq, kitaani kujasinnerusumiittuniit, Danmarkimili tigooqqaavimmi ingerlanneqarnera sunniuteqarfiuneruvoq, tassa imaappoq inunnit aamma Kalaallit Nunaanni qaammataasatigut nunami tigooqqaavitsigut kiffartuussinikkut isumaginittunit isumagineqarluni. TGI

2014-imi 6,4 mio. kr.-inik isertitaqarpoq, aamma danskit piginneqatigiiffiattut 0,3 mio. kr.-init miss. akileraaruteqarluni.

2014-imi TELE-POSTip Danmarkimi ingerlassaanut tamarmiusunut ingerlatsinermut aningaasartuutai 9,8 mio. kr.-iupput. Tamanna piginneqatigiiffiup aningaasartuutaata tamarmiusut 1,3 %-iata missaaniippoq.

Danmarkimi ukiumut atorfiit sinneri 6-7 missaaniittut ilaatigut piginneqatigiiffiup Københavnimi sanaartornermut immikkoortortaarfiani immikkut ilisimasalinni sinneruttuupput, ilaatigut Kalaallit Nunaanni sulisut assigiinngitsunik peqquteqartumik Danmarkimi inissinneqarallarsimasut. Sulisut taakku tamarmik Kalaallit Nunaanni sulianik ingerlatsinermilu ingerlassanik, taakkununga ilanngullugit immap naqqatigut kabelip tallineranik, radioqarnerup inerisarneranik aamma aserfallatsaalineqarneranik, qaammataasatigut atuisinnaanerup pilersaaruseranik il.il. suliaqarput.

TELE-POSTip Danmarkimi sulisut amerlassusaat minnerpaaffianiitippaa. Ima naliliisoqarpoq, ingerlassat annikitsut qulaani allaaserineqarsimasut Kalaallit Nunaannut *nuunneqarsinnaanngitsut*, tamanna iluaqutaanani ajornerulersitsiinnartussaammat."

Royal Arctic Linep taavai;

"Royal Arctic Line Danmarkimi ingerlatseqatigiiffimmik 100 %-imik pigineqartumik ingerlataqartoq, taanna Royal Arctic Logistics A/S-imik ateqarpoq.

Ingerlatseqatigiiffik taanna aamma ingerlatseqatigiiffinni pingasuni pigineqataassutsinik pigisaqarpoq:

- Aalborg Stevedore Company A/S-imi pigineqataassutit 67 %
- Aalborg Toldoplæg A/S-imi pigineqataassutit 40 %
- Nordjysk Kombi Terminal A/S-imi pigineqataassutit 50 %

Royal Arctic Logistics 2014-imi akileraarutit sioqqullugit DKK 6 mio.-nit missaanni angusaqarpoq.

Ingerlatseqatigiiffiit Danmarkimi ingerlanneqarnerat "iluanaarnartorujussuartut" isigineqarsinnaanersumut Royal Arctic Line taamaallaat oqarsinnaavoq, ingerlatseqatigiiffiit maannakkut pilersuinikkut periaatsimut (nalingisa ataqatigiinnerat) ilaasut suliassanillu Royal Arctic Linemi pilersuinikkut kiffartuussinerup tamarmiusup suliarinissaanut pisariaqartunik suliaqarlutik. Taamaalluni ingerlatseqatigiiffiit iluanaarfittut isigineqarnatik aningaasartuuteqarfittut / tunisassiofittut isigineqarsinnaanerupput.

Ingerlatseqatigiiffik ukioq manna septemberimi 156-inik sulisoqarpoq aamma Aalborgimi Stevedore Companymi taamatulli 21-nik sulisoqarpoq – sulisut katillugit 177-iupput.

Sulisut taakku nunap karsianut isertitamikkut taperseeqataaneq ajorput, nunami allami sulisut pineqarmata."

Air Greenlandip taavai:

"Ingerlatseqatigiiffik Danmarkimi sulisoqartoq, ingerlatseqatigiiffik taanna Airbus 330-nik ingerlatsisarpoq, aamma tamatuma saniatigut Air Greenland Kalaallit Nunaanni Angalatitsivimmik 100 %-imik piginnittuuvoq, taanna Kalaallit Nunaanni pingasunik immikkoortortaqqarfeqarpoq. Air Greenland Islandimi ikinnerussuteqarluni Norlandairimi aktianik piginnittuuvoq piginneqataassutigalugit 25 %-t, aamma 2015-imi ikinnerussuteqarluni Nordurflugimi aktianik piginnittuulerluni piginneqataassutigalugit 30 %-t.

Nunani allani ingerlatseqatigiiffiit tamarmik sinneqartooruteqarput, tamatumali saniatigut unammilleqatigiinnermi atugassarititaasut eqqarsaatigalugit annertunerusumik paasissutissiinissaq Air Greenlandimit kissaatigineqanngilaq."


Royal Greenlandip taavai:

"Suliffeqarfissuarmut takussutissiap quppernerata tulliani takuneqarsinnaasoq, ingerlatseqatigiiffiit ataasiakkaat nunani suni angerlarsimaffeqarnerisut.

Ilanngullugu ilisimatitsissutigineqarsinnaavoq, Royal Greenland Seafood A/S Danmarkimi angerlarsimaffeqartoq, Royal Greenland Seafood Sp. Zoo Polenimi angerlarsimaffeqartoq, Royal Greenland Vertriebs GmbH Tysklandimi angerlarsimaffeqartoq aamma Agama Royal Greenland LLC Ruslandimi angerlarsimaffeqartoq.

Tuniniaasartutut ingerlatseqatigiiffiunerisut takussutissiami pineqarput, kisianni Danmarkimi, Tysklandimi, Polenimi aamma Canadami tunisassiorfittut ingerlassat aamma takussutissiami ilaatinneqarput.

Koncernoversigt



Royal Greenlandimit naatsorsuutigineqarpoq, akissarsiat aningaasartai pillugit paasissutissiinissaq pingaarnertut kissaatigineqartoq. Suliffeqarfissuarmi tamarmiusumi akissarsiat aningaasartai tunniunneqartut DDK 640,1 mio.-iupput taakkunanga DKK 396,6 mio.-init Kalaallit Nunaanni tunniunneqarlutik, DKK 135,5 mio.-init Danmarkimi aamma DKK 108 mio.-init nunat allat sinnerini. RG-ip Wilhelmshavenimi suliffeqarfiutaa naatsorsuutini qaammatini marlunni ilaatinneqartoq, ukiummi naatsorsuusiorfiusup qaammataata aappaani tiguneqarluni tunineqarmat.

Suliffeqarfissuup isertitaasa annertunersaat Royal Greenland A/S-ip qullersaqarfianit isertinneqartarput. Ukiumi naatsorsuusiorfiusumi 2013/2014-imi akileraarutit sioqqullugit piginneqatigiiffiup qullersaqarfianut ukiup inernera DKK 151,4 mio.-iuvoq aamma suliffeqarfissuarmut tamarmiusumut DKK 199,2 mio.-iulluni, imaluunniit suliffeqarfissuarmut piginneqatigiiffiup qullersaqarfia ilanngunnagu DKK 47,8 mio.-iulluni. Suliffeqarfissuup tuniniaasartutut ingerlatseqatigiiffii nunani tuniniaaffigisartakkaminni angerlarsimaffeqarput. Tamanna suliffeqarfissuarmut tamarmiusumut pingaaruteqarpoq. Nunani allani ingerlassaqarfiit sinneri allassimasut malillugit aamma suliffeqarfissuarmut pitsaasumik tapertaasarput. Ukiumut nalunaarusiami kingullermi takuneqarsinnaavoq, sulisut tamarmiusut amerlassusaat 1.906-iusut, taakkunanga 979-t Kalaallit Nunaanni, Danmarkimi 200-t aamma nunat allat sinnerini 727-t sulipput.

Sulisut Kalaallit Nunaata avataani sulisuusut Kalaallit Nunanni akileraarneq ajorput. Kisianni ingerlatseqatigiiffiup takorluugarivaa sapinngisaq malillugu inuiaqatigiit kalaallit pissarsiaqartinneqarnissaat, aamma tassunga ilanngullugu

ingerlatseqatigiiffimmik piginnittut Kalaallit Nunaanni Namminersorlutik Oqartussanut tapertaanissaq. Ingerlatseqatigiiffiup ingerlatseqatigiiffiit akileraarutaannik akiliuteqartarnera sapinngisaq malillugu Kalaallit Nunaanni isumagineqartarpoq. 2013/2014-imut inernerit piginnittutsinnut, Kalaallit Nunaanni Namminersorlutik Oqartussanut, toqqaannartumik katillugit 273 mio. kr.-init iluanaarutaapput, ingerlatseqatigiiffiit akileraarutaannik akiliuteqarnikkut, aalisarnikkut iluanaarutinik akitsuutinillu akiliuteqarnikkut, kiisalu akisussaassuseqartumik taarsigassarsianik taarsiutaasunik tigusinikkut.”

Great Greenlandip taavai:

“Great Greenland Glostrupimi immikkoortortaartoq, taanna amminik immikkoortiterivittut, tuniniaanermi allaffittut, takutitsisarfit, niuerfittut aamma mersortarfittut atornerarpoq. Tamatuma saniatigut quersuaq. 5-nik sulisoqarpoq. Danmarkimi sulisut tamarmik Kalaallit Nunaaneersuupput. Taakkunannga pingasut aalajangersimasumik sulisuupput, marlullu ilaannakortumik aalajangersimanerusumik sulisarput. Tamatuma saniatigut aqqissuussisoqartillugu ikiorteqartitsisoqartarpoq (assersuutigalugu Tivoli) aamma tassani kalaallit atornerarnerusarput. Akissarsiat il.il. illumut akiliut ingerlatsinermut aningaasartuutit il.il. katillugit 3 – 3,5 mio. kr.-init missaanniipput. Tamannali toqqaannartumik uuttoruminaappoq, tassami Kopenhagen Furimi akitsorterussineq il.il. sioqqullugu amminik suliaqarnerup tungaatigut assigiinngitsunik pisussaaffeqartoqarpoq. Tamatuma saniatigut Kopenhagen Furimi tuniniaasarnermut isumaqatigiissuteqarpoq.

Danmarkimi immikkoortortaarfik piujuarnikuuvoq sumiiffittut il.il. aamma Kopenhagen Furimi inuttaqartinneqarluni imaluunniit siusinnerusukkut suleqatigisimasamik isumaqatigiissutaasimasut ilaattut. Ullumikkut assigiinngissut tassaavoq, kikkut tamarmik kalaallinut attuumassuteqarmata. Tamanna aamma tuniniaanikkut tamanut paaseqatigiinnermik pilersitsivoq kiisalu suliffiup iluani avataanilu oqaloqatigiittarnikkut tamatigut iluaqutigineqartarluni. Tassa tamanna ilapittuutaavoq, aamma ukiuni kingullerni politikkikkut oqallisigineqartarluni sutigut tamatigut kalaallit tungaannit isigisassartaat tamarmiusut iluaqutiginiarneqassasut. Piffissaq ajornakusoorfiusimaqaaq, 2013-imiit maannamut siusinnerusukkut suleqatigisimasamik suliaq annertuumik salinissamik il.il. najuunnissamillu pisariaqartitsilersimavoq. Aamma ersarissumik nalillisoqarpoq, amminik tunisassianillu tuniniaaneq qaffakkiartortoq. Aamma ingerlatseqatigiiffimmi susassaqarfiit akimorlugit suleqatigiinneq ersarissumik sunneeqataavoq.

Kalaallit sulisut eqqaaneqartut tamarmik Danmarkimi nunasisuullutillu akileraartaruupput.”

Tamatumap saniatigut Nunanut Allanut Pisortaqarfik nalunaarpoq Namminersorlutik Oqartussat sinniisoqarfeqartut Bruxelles-mi EU-mut sinniisoqarfeqartoq aamma Washington D.C.-mi USA-mut Canadamullu. Taamaasilluni Kalaallit Nunaanni Namminersorlutik Oqartussat aamma danskit nunanut allanut ministeriaqarfiata akornanni isumaqatigiissut naapertorlugu sulisut 2-t aallartitatut inissisimapput aamma najugaqartoq ataaseq allatsitit sulivoq kiisalu Bruxellesimi danskit aallartitaqarfianni suliffimmik misiliisoq ataaseq, aammalu Washington D.C.-mi danskit aallartitaqarfianni sulisoq 1

aallartitatut inissisimasoq. Tamatuma saniatigut aningaasaliissutit iluanni allamik najugaqareersumik allatsitit ilaannakortumik sulisartussamik kiisalu Washington D.C.-mi suliffimmi misiliisussamik ataatsimik sulisoqalernissaq pilersaarutaavoq. Malittarisassat danskit ministeeriaqarfiisa danskit aallartitaqarfiini immikkut ittumik aallartitanut atortagaat malillugit Namminersorlutik Oqartussat Nunanut allanut ministeriaqarfimmut akiliisarput. Akigititat qanoq annertutiginiissaannut sumiiffimmi akit akissarsiallu inissisimanagerat apeqqutaapput. Sulianik ingerlatsinermut akigititaq Nunanut Allanut Ministeeriamik isumaqatigiissuteqarnikkut ukiumoortumik aalajangersarneqartarpoq. 2015-imut aningaasanut inatsimmi Namminersorlutik Oqartussat Bruxelles-mi sinniisoqarfeqarfianik ingerlatsinermut aningaasartuutit 4,4 millioner kr.-iupput aamma Namminersorlutik Oqartussat Washington D.C.-mi sinniisoqarfeqarfianik ingerlatsinermut aningaasartuutit 2.5 millioner kr.-iupput

- 2. Ingerlatsinermut aningaasartuutit ataatsimut katillugit qanoq amerlatigippat?**

Akissut: Apeqqut 1-mut akissut takuuk.

- 3. Taakkunannga ingerlatsineq qanoq amerlatigisunik aningaasartuuteqarfiusarpa?**

Akissut: Apeqqut 1-mut akissut takuuk.

- 4. Taakkunannga ingerlatsineq nunatsinnut aningaasanik iluanaaruteqaataasarpaa?**

Akissut: Apeqqut 1-mut akissut takuuk.

- 5. Apeqqut 3-imi akissut aappiuppat, aningaasat qanoq amerlatigisut?**

Akissut: Apeqqut 1-mut akissut takuuk.

- 6. Apeqqut 1-imit sulisut qanoq amerlatigippat aamma taakkunannga nunatsinnut akileraarutinut akiliisoqartarpaa?**

Akissut: Apeqqut 1-mut akissut takuuk.

Neriuppunga apeqqutigineqartunut akissutigisakka naammagisimaassagitit.

Inussiarnersumik inuulluaqqusillunga
Med venlig hilsen



Kim Kielsen